

Evening Dogri News

01 August 2024

18:15 Hrs

Headlines

- उपराज्यपाल मनोज सिन्हा होरें आखेआ ऐ जे जम्मू-कश्मीर च यूरोपिय मुल्खें दी तर्ज उप्पर फिल्में दी शूटिंग लेई तंत्र तैयार कीता जा'रदा ऐ ते जम्मू-कश्मीर वैश्विक सतह पर फिल्में लेई शूटिंग लेई इक थाहर दे तौर पर उभरोग।
- साम्बा जिले च बीएसएफ नै पाकिस्तान कन्नै लगदे अंतरराष्ट्रीय बन्ने पर इक पाकिस्तानी घुसपैठिए गी मारी मकाया ऐ।
- जम्मू दे डिविजनल कमिशनर रामेश कुमार होरें जम्मू च स्वच्छता पखवाडा ते 'एक पेड़ शहीदों के नाम' अभियानें दा उद्घाटन कीता।
- पेरिस ओलंपिक 2024 च निशानेबाजी आहले मुकाबले च भारती नशानेबाज स्वपनिल कुसाले नै त्रै तगमे जित्ते न।

<><><><><><>

LG-Film Conclave

उपराज्यपाल मनोज सिन्हा होरें आखेआ ऐ जे जम्मू-कश्मीर च यूरोपियन मुल्खें दी तर्ज पर फिल्में दी शूटिंग लेई तंत्र तैयार कीता जा रदा ऐ ते तौलें गै केंद्र शासित प्रदेश वैश्विक सतह पर फिल्में दी शूटिंग लेई इक थाहर दे तौर पर उभरोग। उनें आखेआ जे उनेंगी चेत्ता ऐ जे राज कपूर होर कश्मीर च फिल्मां बनाना पसंद करदे हे। उनें आखेआ जे जम्मू दा फिल्म दी शूटिंग ते सिनेमा कन्नै खासा प्यार ऐ। उनें आखेआ जे ओह जम्मू-कश्मीर च बॉलीवुड दे पेहले आले दौर गी आहनना चाहंदे न। उपराज्यपाल होरें एह गल्ल श्रीनगर श्रीनगर च डल झील दे कंडे अंतरराष्ट्रीय कन्वेंशन सेंटर च बालीवुड निदेशकें, कलाकारें, फिल्म निर्माताएं ते फिल्म प्रेमिणं दे किट्टु गी जम्मू-कश्मीर फिल्म कन्क्लेव गी संबोधित करदे होई आक्खी। उनें आखेआ जे 2021 च फिल्म नीति बनाई गई ही पर उसदे च किश बित्थां न ते किश होर कमियां हियां। उनें आखेआ जे अज्ज नमीं फिल्म नीति 2024 दी शुरूआत कीती ऐ जेदे राणं पैहले आली बित्थें गी पूरेया गेआ ऐ। उनें आखेआ जे फिल्में दी शूटिंग करने कन्नै फिल्म प्रेमिणं, निदेशकें ते निर्माताएं आस्तै इक पूरा पराता सरिस्ता तैयार कीता गेआ ऐ।

<><><><><><>

Infiltration Samba

सांबा जिले च बीएसएफ नै पाकिस्तान कब्रे लगदे अंतराश्ट्रीय बन्ने पर इक पाकिस्तानी घुसपैठिए गी मारी मकाया ऐ। आकाशवाणी जम्मू संवाददाता दी रिपोर्ट मुजब जंदी चिरे रातीं सांबा सेक्टर च खोआरा चौकी कश इक घुसपैठिया भारतीय इलाके च बडने दी कोश्ट करा'रदा हा ते भारतीय इलाके च अंदर बडने दे मौके घुसपैठिए गी बीएसएफ दे सौहगे जोआनें आस्सेआ चेतावनी दित्ती गई पर घुसपैठिए नै ओहदे पर ध्यान नेई दित्ता जेदे चलदे गोलीबारी होई। बीएसएफ ते पुलस अधिकारी उस थाहर पर पुज्जी गेदे न ते लोथ गी बरामद करने दी कोशश कीती जा रदी ऐ।

<><><><><><>

Terrorist-Arrest

फौज दी राश्ट्रीय राइफल्स, रोमियो बल नै पुंछ पुलस दी एस.ओ.जी. कन्नै रलियै पुंछ दे मगनार लाहके च इक सांझा अभियान चलाया ते आतंकी संगठन हिज्बुल मुजाहिदीन दे इक सक्रिय सैहयोगी गी गिरफ्तार करी लैता ऐ। फौज दे इक बयान दे मताबक रोमियो बल दी राश्ट्रीय राइफल्स नै इस आतंकवादी गी 30 जुलाई गी हिरासत च लैता हा ते एहदी पंछान मुहम्मद खलील दे तौरा पर कीती गई ऐ। अधिकारियें दस्सेया ऐ जे इस आतंकवादी शां इक्क विदेशी पस्तौल बरामद कीती गई ही। उनें इक पाकिस्तान च चला रदे फोन नम्बरै दा बी पता लाया ऐ जेदे राहें इक हैंडलर मुहम्मद खलील गी कम्म सौंपदा हा। सुरक्षा बलें राजौरी जिले च इक ए.के-47 रफल ते 2 मैगजीनां बी बरामद कीतियां न। उनें आखेआ ऐ जे आरोपी पुलसै दी हिरासत च ऐ ते ओहदे शां अजें पुच्छ-गिच्छ कीती जा'रदी ऐ।

<><><><><><>

Ammunition-Recovery

सुरक्षाबलें राजौरी जिले दे जंगली लाहके च आतंकवादिएं दी छप्पने आहली इक गुफा दा पता लाइए उत्थुआं असला ते बरूद बरामद कीता ऐ। अधिकारिक सूत्रें मुजब राजौरी जिले दे कालाकोट दी धर्मसाल थाह जम्मू-कश्मीर पुलस, राश्ट्रीय राइफल्स बीएसएफ ते सी.आर.पी.एफ दे कर्मियें आस्सेआ लाहके दी घेराबंदी करिए तपाशी अभियान चलाया गेआ। एहू तपाशी अभियान कल चलाया गेआ हा। एहू अभियान संदिग्ध नकलोहरकत दिक्खे जाने मगरा चलाया गेआ। आतंकवादिएं दी छप्पने आहली थाहर थ्वां ए.के असाल्ट रफल, मैगजीनां ते किश रौंद बरामद होए न।

<><><><><><>

ECI-JK

जम्मू-कश्मीर च मते चिरें थ्वां बलगे जा रदे विधानसभा चुनाएं थ्वां पैहले निर्वाचन आयोग नै जम्मू-कश्मीर प्रशासन गी अपने गृह जिले च सेवा देआ रदे अधिकारिणं या पिछले 4 बरें च कुसै जिले च त्रै बरे पूरे करी चुके दे अधिकारिणं गी ट्रांसफर करने करने दे निर्देश दित्ते ना। आकाशवाणी जम्मू संवाददाता दी रिपोर्ट मूजब चुनां निकाय नै मुख सचिव ते मुख चुनां अधिकारी गी निर्देश दिंदे होई आखेआ जे चुनाएं कन्नै सिद्दे जुडे दे कुसै बी अधिकारी गी उस उस्सै जिले च कम्म करने दी इजाजत नेई दित्ती जानी लोड्चदी जेकर उनें अपने गृह जिले या पिछले 4 बरें दौरान जिले च त्रै बरे कम्म करी चुके दे होना। आयोग नै आखेआ ऐ जे जम्मू-कश्मीर च विधानसभा चुनां औने आहले समें च होने ना। सुप्रीम कोर्ट नै चुनां निकाएं गी इस बरे सितंबर तगर विधानसभा चुनां करोआने आस्तै पिछले बरे 11 दिसंबर गी निर्देश दित्ता हा।

<><><><><><>

Budha-Amarnath

पुंछ दे जिला विकास कमिशनर आयुक्त यासिन एम चौधरी होरें बुड्डा अमरनाथ जी दी यात्रा दी त्यारिणं दा जायजा लैता। डिप्टी कमिशनर होरें जिला अफसरें, सुरक्षा सरबन्धी अधिकारिणं श्री बुड्डा अमरनाथ जी मंदर दी प्रबंधन कमेटी, वी.एच.पी दे नुमाइंदें, बजरंग दल कन्नै बैठक लाई ते सालाना श्री बुड्डा अमरनाथ यात्रा दे प्रबंधें दा जायजा लैता।

<><><><><><>

LS-Jal Jeevan Mission

सरकारै देशै च जल जीवन मिशन योजना तैहत 15 करोड़ शा मते नलकें राहें पानी दे कनेक्शन उपलब्ध करोआए ना। एहदे कन्नै गै लोकें गी पानी दे कनेक्शन लेई लोड्चदी बिजली बिल घट्ट करने लेई सौर उर्जा दा इस्तेमाल करने लेई बी जोर भरेआ। अज्ज लोकसभा च इक परते च जल शक्ति मंत्री सी.आर पाटिल होरें सदन गी दस्सेया ऐ जे साफ पानी दी उपलब्धता बारै आंकलन करने लेई देशै च 8 ज्हार शां मते ग्राएं दा सर्वे कीता गोआ ऐ।

<><><><><><>

LS-LED Bulbs

सरकार नै पिच्छले बरे देशै च तकरीबन 13 लक्ख बिजली दी बचत करने आहले 5 स्टार एल.ई.डी बल्ब बंडे ना। एहू 5 स्टार रेटिंग एल.ई.डी बल्ब बिजली दी बचत च मदद करदे न ते एहू बल्ब Efficiency services limited दे राहें उपभोक्ताएं गी सब्सिडी दर पर उपलब्ध करोआया जा'रदा ऐ। अज्ज लोकसभा दे जिमनी सुआलें दा परता दिंदे होई बिजली मंत्री मनोहर लाल खट्टर होरें सदन गी दस्सेया ऐ जे देशै च एल.ई.डी बल्बें दी दस्तयाबी पूरी ऐ ते अजें तगर उत्तर प्रदेश च 2 करोड़ 6 लक्ख शां मते बल्ब बंडे गे'ना।

<><><><><><>

Div.Com-SP

जम्मू दे डिविजनल कमिशनर होरें जम्मू च पैहली अगस्त थमां 15 अगस्त 2024 तगर चलने आहले स्वच्छता पखवाड़ा ते एक पेड़ शहीदों के नाम अभियानें दा उद्घाटन कीता। इनें पैहलकदमियें दा मकसद साफ-सफाई ते पर्यावरण दे संतुलन गी बढ़ावा देना ऐ ते कन्नै गै शहीदें दे सम्मान च इक बूहटा लाना ऐ। इस कार्यक्रम दा उद्घाटन करदे मौके रामेश कुमार होरें लोके गी अपील कीती ऐ जे इस अभियान च बधी चढियै हिस्सा लैन, साफ-सुथरे माहौल च योगदान देन ते उनें लोके गी श्रद्धांजलि देन जिनें देशै आस्तै अपना बलिदान देई दित्ता ऐ। इस मौके पर जम्मू दे डिप्टी कमिशनर सचिन कुमार वैश्य, जम्मू नगर निगम दे कमिशनर राहुल यादव ते होर सरबंधत अधिकारी मौजूद हे।

<><><><><><>

Swachhta Pakhwada Doda

डोडा दे डिप्टी कमिशनर हरविंद्र सिंह होरें अज्ज डोडा जिले च स्वच्छता पखवाड़ा अभियान दा उद्घाटन कीता। इस कार्यक्रम दी शुरूआत डोडा दे कांफ्रेंस हाल च सबभनें जिला मैहकमें दे अधिकारियें ते बक्ख-बक्ख स्कूलें ते कालजे दे विद्यार्थियें आस्सेआ साफ-सफाई दी शपथ कन्नै कीती गेई।

<><><><><><>

Kathua-SP

कठुआ दे डिप्टी कमिशनर डॉ. राकेश मिन्हास होरें स्वच्छता पखवाड़ा दी शुरूआत कीती। एहदी शुरूआत डी.सी दफ्तर परिसर कठुआ जिले च साफ-सफाई गी बनाई रखना ते पर्यावरण च संतुलन बनाना ऐ। डा. मिन्हास होरें डी.सी दफ्तर दे परिसर च बूहटा लाया। उनें जिला प्रशासन दी हरे-भरे जम्मू-कश्मीर ते स्वच्छ पर्यावरण प्रति बचनबद्धता गी जाहिर कीता।



Paris-Olympics

पेरिस ओलंपिक च मर्दे दी 50 मीटर राइफल-3 पोजीशन च भारत दे स्वपनिल कुसाले नै कैहू दा तगमा जित्तेया ऐ। 28 बरें दे कुसाले होर 50 मीटर रफल 3 पोजीशन च तगमा जित्तेने आले पैहले भारतीय बनी गए न। प्रधानमंत्री नरेंद्र मोदी होरें पेरिस ओलंपिक च मर्दे दी 50 मीटर राइफल 3 पोजीशन च कैहू दा तगमा जित्तेने पर स्वपनिल कुसाले होरें गी बदाई दित्ती। सोशल मीडिया पोस्ट च मोदी होरें आखेआ ऐ जे उंदा असाधारण प्रदर्शन रेखा ऐ। प्रधानमंत्री होरें आखेआ ऐ जे उंदा प्रदर्शन खास ऐ। प्रधानमंत्री होरें आखेआ जे उंदा प्रदर्शन खास ऐ की जे उनें बड़ा गै लचीलेपन ते कौशल दस्सेया ऐ। हर भारतीय हुंदी उपलब्धि करी खुश ऐ।



Add-Paris

राश्ट्रपति द्रौपदी मुर्मू होरें स्वपनिल कुसाले गी पैरिस ओलंपिक च कैहू दा तगमा जित्तेने पर बदाई दित्ती। राश्ट्रपति होरें सोशल मीडिया पोस्ट च आखेआ ऐ जे कुसाले मर्दे दी 50 मीटर राइफल 3 पोजीशन श्रेणी च तगमा जित्तेने आले पैहले भारतीय बनी गेआ ऐ। उनें आखेआ जे एहू पैहली बारी ऐ जिसले भारत नै इक गै ओलंपिक च निशानेबाजी आले मुकाबले च त्रै तगमे जित्ते न। राश्ट्रपति होरें कुसाले होरें गी भविक्ख च होर उपलब्धि हासिल करने दियां शुभकामनां दित्तियां। उपराश्ट्रपति जगदीप धनखड़ होरें पेरिस ओलंपिक 2024 च मर्दे दी 50 मीटर राइफल 3 पोजीशन च कैहू दा तगमा जित्तेने आस्तै स्वपनिल कुसाले गी बदाई दित्ती ऐ। इक सोशल मीडिया पोस्ट च धनखड़ होरें आखेआ जे स्वपनिल कुसाले दे समर्पण ते दृढता होरें पूरे मुख गी वैश्विक सतह पर गौरवांवित कीता ऐ। उनें भविक्ख दे जत्तें च स्वपनिल कुसाले दी सफलता दी कामना कीती।



Ambulance-Medical

सेहत ते मेडिकल शिक्षा सचिव डॉक्टर सैयद आबिद राशीद शाह होरें कल इक बैठक दी अध्यक्षता कीती जेदे च उनें जम्मू-कश्मीर च 108 ते 102 एम्बुलेंस इमरजेंसी सेवाएं दे कम्मकाज दा जायजा लैता। बैठक दौरान सेहत सचिव होरें एम्बुलेंस सेवाएं दी सराहना करदे होई उनें गी इस खित्ते लेई इक मती जरूरी सेवा करार दित्ता ऐ। उनें पूरे पराते जम्मू-कश्मीर च इनें सेवाएं दी उपलब्धता गी यकीनी बनाने ते इंदे महत्व पर जोर भरेया। डॉक्टर आबिद राशीद होरें आखेआ ऐ जे एहू एमरजेंसी सेवा शुरू होने दे मगरा इनें सेवाएं लोकें दी जानां बचाने आस्तै इक महत्वपूर्ण भूमिका निभाई ऐ। डॉक्टर आबिद राशीद होरें एम्बुलेंस सेवाएं दे कम्मकाज पर अपना संदोख जाहिर कीता ऐ। उनें अधिकारियें गी आखेआ ऐ जे एहू यकीनी बनान जे लाभर्थियें गी इस सेवा दा लाहू बगैर कुसै परेशानी दे हासिल होऐ। डॉक्टर आबिद राशीद होरें इस बैठक च मौजूद सब्बनें गी आखेआ ऐ जे ओहू जम्मू-कश्मीर दे आम लोकें दी सेवा आस्तै पूरी लग्न कन्नै कम्म करन।



JK-NHW

राश्ट्रीय जरनैली शिडके सरबन्धी भारतीय प्राधिकरण दे प्रोजेक्ट डरैक्टर पुरषोत्तम कुमार होरें आखेआ ऐ जे 270 किलोमीटर लम्मी जम्मू-श्रीनगर राश्ट्रीय जरनैली शिडक दा कम्म 2026 दे अखीरै तोहड़ी मुकम्मल होने दी मेद ऐ। आकाशवाणी जम्मू दे संवाददाता दी रिपोर्ट मुजब जम्मू-श्रीनगर राश्ट्रीय जरनैली शिडका पर मते सारे टन्नल ते चार लेने आहली शिडके दा कम्म पूरा होई गेदा ऐ जेदे कन्नै मता सुधार होआ ऐ पर लोक 2026 दा बेसब्री कन्नै इंतजार करारदे न जिसलै एहू राश्ट्रीय जरनैली शिडका दा कम्म मुकम्मल होई जाग। इस जरनैली शिडके दा कम्म मुकम्मल होई जाने कन्नै जम्मू थमां श्रीनगर पुज्जने च 6 घैंटे दा सफर घट्ट होई जाग। एहू चार लेने आहली शिडक 16 ज्हार करोड़ रुपें दी लागत कन्नै बनाई जा रदी ऐ एहूदे च 210 किलोमीटर दा चार लेनिंग आहला रस्ता पूरा होई गेदा ऐ जेदे च साड्डे 21 किलोमीटर टनल ते किश पुल शामिल ना। अजे बी 5-6 बड्डे हिस्से न जित्थे अजे कम्म चला रदा ऐ। दो महत्वपूर्ण टनलें दा कम्म बी अजे चला रदा ऐ जेडा 2025 तगर मुकम्मल होई जाग ते किश टनलें च मता समां लग्गी सकदा ऐ ते एहू सबूरा कम्म दिसंबर 2026 तगर मुकम्मल होने दी मेद ऐ।

